



Republika e Kosovës
Republika Kosova - Republic of Kosovo
Qeveria – Vlada - Government
Ministria e Industrisë, Ndërmarrësisë, Tregtisë dhe Inovacionit
Ministarstvo Industrije, Preduzetništva, Trgovine i Inovacije - Ministry of Industry,
Entrepreneurship, Trade and Inovation

UDHËZIM ADMINISTRATIV (MINT) Nr. 01/2026
PËR NJOFTIMIN NË LIDHJE ME PRODUKTET TË CILAT JANË TË RREZIKSHME
PËR KONSUMATORËT

Ministrja e Ministrisë së Industrisë, Ndërmarrësisë, Tregtisë dhe Inovacionit,

Në mbështetje të nenit 12 paragrafi 3, të Ligjit Nr.08/L-172 për Sigurinë e Përgjithshme të Produkteve (Gazeta Zyrtare Nr. 9 / 3 Prill 2023), nenit 11 paragrafi 1 nën paragrafi 1.5 të Ligjit Nr. 08/L-117 për Qeverinë e Republikës së Kosovës, nenit 9, paragrafi 2 të Rregullores Nr. 17/2024 e Punës së Qeverisë së Republikës së Kosovës, si dhe nenin 20 i Rregullores (QRK) - Nr.04/2026 për Fushat e Përgjegjësisë Administrative të Ministrive:

nxjerr:

UDHËZIM ADMINISTRATIV (MINT) Nr. 01/2026 PËR NJOFTIMIN NË LIDHJE ME PRODUKTET TE CILAT JANË TË RREZIKSHME PËR KONSUMATORËT

Neni 1 Qëllimi

Me këtë udhëzim administrativ përcaktohet detyrimi për njoftim, forma dhe përmbajtja e njoftimit të cilin prodhuesit dhe shpërndarësit i dorëzojnë inspektoratit kompetent nëse në bazë të informatave që ata posedojnë, njohurive ose përvojës profesionale e di ose duhet ta dijë se produkti që ka vendosur në treg është i rrezikshëm për konsumatorët dhe nuk është në përputhje me kërkesën e përgjithshme të sigurisë.

Neni 2 Fusha e zbatimit

Dispozitat e këtij udhëzimi administrativ zbatohen nga prodhuesit dhe shpërndarësit mbi detyrimin për njoftim për të gjitha produktet që paraqesin rrezik për konsumatorët.

Neni 3 Detyrimi për njoftim

1. Detyrimi për njoftim është përgjegjësi e prodhuesve dhe shpërndarësve sipas ligjit përkatës për sigurinë e përgjithshme të produkteve.

2. Nëse prodhuesi është i pari i cili ka dëshmi se produkti është i rrezikshëm duhet të njoftoj inspektoratin kompetent sipas nenit 4 paragrafit 1 të këtij udhëzimi dhe një kopje të njoftimit të përcjell tek shpërndarësit.

3. Shpërndarësit sipas paragrafit 2 i këtij neni detyrohen që një kopje të njoftimit ta përcjellin tek të gjithë shitësit me pakicë të cilëve iu është dorëzuar produkti.

4. Nëse shpërndarësi i produktit është i pari i cili ka dëshmi që produkti është i rrezikshëm, është i detyruar të njoftoj prodhuesin dhe, inspektoratin kompetent sipas nenit 4 paragrafi 1 të këtij udhëzimi administrativ dhe kopjen e njoftimit duhet përcjell tek të gjithë shitësit me pakice të cilëve iu ka ofruar/dorëzuar produktin.

5. Prodhuesi i cili pranon kopjen e njoftimit nga shpërndarësi sipas paragrafit 3 të këtij neni, obligohet t'i përcjell tek inspektorati kompetent me të gjitha të dhënat të cilat posedon në lidhje me produktin e rrezikshëm, e ne veçanti listën e shpërndarësve tjerë në mënyrë që të vërtetohet zinxhiri i furnizimit (për të përcaktuar gjurmueshmërinë) të produktit.

Neni 4 Njoftimi

1. Njoftimi me shkrim i cili është pjesë e këtij udhëzimi administrativ, i dërgohet inspektoratit kompetent menjëherë nga dita që kupton që produkti është i rrezikshëm për konsumatorin.

2. Obligohet ministria përkatëse për industri, ndërmarrësi, tregti dhe inovacion që formularin për njoftim ta publikojë në ueb faqen zyrtare.

3. Bartësit e detyrimit për njoftim sipas nenit 3 të këtij udhëzimi administrativ nuk mund të shtyjnë njoftimin, nëse një pjesë e të dhënave ende nuk është në dispozicionin e tyre.

4. Bartësit e detyrimit për njoftim janë të detyruar që të dhënat e përcaktuara në formular sipas shtojcës të këtij udhëzimi nga pika 1 deri 5, t'i dorëzojnë sipas nenit 5 të këtij udhëzimi.

5. Në rast se produkti paraqet rrezik serioz, bartësit e detyrimit për njoftim janë të obliguar që të dhënat nga pika 6 e formularit sipas shtojcës të këtij udhëzimi administrativ t'i paraqesin sipas nenit 3 të këtij udhëzimi administrativ.

Neni 5 Mbledhja e të dhënave

1. Me qëllim të mbledhjes së të dhënave për produktin e rrezikshëm, bartësit e detyrimit për njoftim sipas nenit 3 të këtij udhëzimi administrativ mund të përdorin të dhënat në vijim:

1.1. raportet apo të dhënat tjera në lidhje me aksidentet cilat janë të lidhura me produktin;

1.2. ankesat e konsumatorëve që kanë të bëjnë me sigurinë;

1.3. dëshmi e mbulimit të shpenzimeve të sigurimit që lidhet me produktet e rrezikshme;

1.4. për mos përmbushjen e kërkesës të sigurisë të cilat prodhuesi sipas nenit 3 paragrafi 1 të këtij udhëzimi administrativ i ka konstatuar me zbatimin e procedurave të kontrollit të cilësisë;

1.5. të gjitha të dhënat lidhur me mos përmbushjen e kërkesës së sigurisë, të cilat janë adresuar nga inspektoratet kompetente, shoqatat për mbrojtjen e konsumatorit, konsumatorët ose personat e tjerë fizik apo juridik të cilët vendosin dhe/ose kanë vendosur produktin në treg;

1.6. informacionet për arritjet shkencore që kanë të bëjnë me sigurinë e produkteve.

2. Në qoftë se inspektoratit kompetent sipas paragrafit 1 këtij neni, nuk i janë ofruar të gjitha të dhënat e nevojshme për produktin e rrezikshëm, të njëjtat i kërkojnë bartësit të detyrimit për njoftim si informata shtesë për produktin e rrezikshëm.

3. Në rast se prodhuesit dhe shpërndarësit nuk i përmbushin detyrimet të përcaktuara sipas këtij udhëzimi administrativ, Inspektorati ndërmerr masat konform ligjit përkatës për sigurinë e përgjithshme të produkteve dhe ligjin përkatës për mbikëqyrjen e tregut.

Neni 6

Dispozitat përfundimtare

Pjesë përbërëse e këtij udhëzimi administrativ është shtojca: Formulari për njoftim mbi produktet e rrezikshme që prodhuesit apo shpërndarësit e dorëzojnë tek inspektoratet kompetente.

Neni 7

Dispozita shfuqizuese

Me hyrjen në fuqi të këtij udhëzimi administrativ shfuqizohet Rregullorja Nr. 13/2012 për njoftim në lidhje me produktet të cilat janë të rrezikshme për konsumatorët.

Neni 8

Hyrja në fuqi

Ky udhëzim administrativ hyn në fuqi tre (3) muaj pas publikimit në Gazetën Zyrtare të Republikës së Kosovës.

Mimoza Kusari-Lila

Ministre

Prishtinë, 08.05.2026

SHTOJCA

Formulari për njoftim mbi produktet e rrezikshme që prodhuesit apo shpërndarësit e dorëzojnë tek inspektoratet kompetente

Pika 1. Të dhënat për inspektoriatin kompetent/personat juridik dhe/ose fizik të cilët e vendosin produktin në treg	
Inspektoriati kompetent /Personi kontaktues/Adresa/Telefoni/Posta elektronike	
Të dhënat për personat juridik dhe/ose fizik dhe roli i tyre gjatë vendosjes së produktit në treg	
Pika 2.: Të dhënat e prodhuesit/shpërndarësit	
Prodhuesi ose përfaqësuesi i autorizuar i prodhuesit apo importuesi/shpërndarësi i cili plotëson formularin	
Personi kontaktues/Pozita/Adresa/Telefoni/Posta elektronike	
Pika 3. Të dhënat për produktin	
Lloji i produktit/Marka figurative/Marka tregtare/Emërtimi i modelit/International Article Number IAN kodi/Vendi i origjinës	
Përshkrimi/Fotografia	
Pika 4.: Të dhënat për rrezikun	
Përshkrimi i rrezikut dhe mundësia e rrezikimit të shëndetit/sigurisë dhe rezultatet e kontrollit të realizuar dhe vlerësimit të rrezikut	
Të dhënat për aksidentet/dëmet	
Pika 5. Të dhënat për aktivitetet e ndërmarra	
Lloji/Fushëveprimi/Kohëzgjatja e aktiviteteve të ndërmarra si dhe të dhënat e personit juridik apo fizik që ka ndërmarr aktivitetin.	

Pika 6. Personi juridik apo fizik që vendos produktin në treg duhet të plotësoj të dhënat në rast të rrezikut serioz

Pika 6.: Të dhënat për personat tjerë juridik apo fizik në zinxhirin e furnizimit	
Lista e prodhuesve/përfaqësuesit e autorizuar/importuesi:	
Emëri/Adresa/Telefoni/Posta elektronike	
Lista e shpërndarësve/tregtarëve me shumicë/tregtarëve me pakice	
Emëri/Adresa/Telefoni/Posta elektronike	
Numri total i produkteve (numri serik ose shenja e datës/që gjenden tek prodhuesi/përfaqësuesi i autorizuar/importuesi/ shpërndarësi /tregtari me shumicë/tregtari me pakicë/konsumatori.	

(1) Të dhënat e regjistruara për inspektoratin kompetent i përcjellën dërguesit/personave juridik dhe fizik të cilët vendosin apo kanë vendosur produktin në treg si dhe për rolin e tyre gjatë vendosjes së produktit në treg, të cilëve do tu dërgohet njoftimi. Në lidhje me detyrimin për njoftim sipas nenin 3 të këtij udhëzimi administrativ.

(2) Regjistrohen të dhënat për personin juridik apo fizik që plotëson formularin dhe që e dërgon njoftimin tek inspektorati kompetent.

(3) Regjistrohen të dhënat e produktit dhe bashkëngjitet fotografia e tij. Njoftimi dërgohet edhe nëse dërguesi nuk ka në dispozicion të gjitha të dhënat e nevojshme sipas nenit 4 të këtij udhëzimi administrativ.

(4) Regjistrohen të dhënat rreth llojit dhe natyrës së rrezikut, duke përfshirë të dhënat e dëmeve të mundshme nga ndikimi në shëndet përkatësisht në siguri. Regjistrohen edhe të dhënat e hulumtimeve të realizuara duke marr parasysh *Udhëzuesin për kontrollimin dhe vlerësimin e rrezikut në zbatim të Rregullores për njoftim në lidhje produktet e rrezikshme për konsumatorë* i cili do të publikohet në ueb faqen e Ministrisë së Industrisë, Ndërmarrësisë, Tregtisë dhe Inovacionit.

(5) Regjistrohen të dhënat në lidhje me aktivitetet e ndërmarra dhe të planifikuara për parandalimin ose mënjanimin e rrezikut për konsumatorët (p.sh. Ndalimi i dërgesës, kthimi apo tërheqja e produktit, ndryshimet në produkt, njoftimi i konsumatorëve) dhe të dhënat mbi personin juridik dhe fizik i cili ka realizuar aktivitetin.

(6) Regjistrohen të dhënat e personave juridik dhe fizik të zinxhirit të furnizimit të cilët i kanë produkt të rrezikshëm në magazinë. Regjistrohen edhe të dhënat e numrit të përafërt të produktit

që gjendet tek prodhuesi/përfaqsesi i autorizuar/importuesi/tregtari me shumicë/tregtari me pakicë/konsumatori.